



LEGJENDA E HARTËS

1. Qyteti i humbjes—Një vend mundimesh dhe trishtimesh, ku puna e pandalur është i vetmi qëllim.

Populli im ka qenë një kope dhensh të humbura; barinjte e tyre i kishin bërë të marrin kot, të humbin nëpër male. Kanë shkuar nga mali në kodër dhe kanë harruar vendin ku ata pushojnë. (Jeremia 50:6).

2. Kristiani largohet nga qyteti i humbjes—Kristiani gjen një libër i cili e nis në një udhëtim të jashtëzakonshëm.

Zbulimi i fjalëve të tua ndriçon dhe u jep mendje njerëzve të thjeshtë. (Psalmi 119:130).

3. Ungjilltari e drejton Kristianin për te Porta—Miku i ri, Ungjilltar, i tregon se ka një mënyrë për të hequr barrën e rëndë nga supet.

Fjala jote është një llambë në këmbën time dhe një dritë në shtegun tim. (Psalmi 119:105).

4. Kokëforti, Mendjekthyeri dhe Kristiani—Miqte e vjetër përpiqen ta kthejnë Kristianin përsëri në qytetin e humbjes sepse ata nuk e kuptojnë udhëtimin që ka ndërmarrë Kristiani.

Mos u gënjeni; shoqëritë e këqija prishin zakonet e mira. (1 e Korintasve 15:33).

5. Moçali i Dëshpërimit—një vend sprovash të mëdha.

Unë kam pritur me ngulm dhe me durim Zotin, dhe ai u përkul mbi mua dhe dëgjoi britmën time. Më nxori jashtë një grope shkatërrimi, nga balta e moçalit, i vendosi këmbët e mia mbi një shkëmb dhe i ka bërë të qëndrueshëm hapat e mi. (Psalmi 40:1-2)

6. Ndhmësi në ndihmë të Kristianit—një mik i ri e nxjerr Kristianin nga balta e errët e mocalit dhe e nxit të vazhdojë rrugën pa u hutuar.

Mos u shmang as në të djathtë as në të majtë; tërhiqe këmbën tënde nga e keqja. (Fjalët e Urta 4:27).

7. Urtëbotësi—Ky personazh i cuditshëm e çon Kristianin në një shteg tjetër.

Sepse e ngushtë është dera dhe e shtrënguar është udha që çon në jetë! Dhe pak janë ata që e gjejnë! (Mateu 7:14).

8. Shtëpia e Ligjarit—Kristiani përpiqet me gjithë forcën e tij ta heqë barrën që ka mbi supe duke iu bindur të gjitha urdhërimeve të Ligjarit por, nuk mundet.

...sepse asnjë mish nuk do të shfajësohet para tij përmes veprave të ligjit; sepse me anë të ligjit vjen njohja e mëkatit. (Romakëve 3:20).

9. Ungjilltari e qorton Kristianin—Ungjilltari i tregon Kristianit se Mbreti e ka falur, nëse ai vërtet është penduar për gabimet e tij.

Po kur u shfaq mirësia e Perëndisë, Shpëtimtarit tonë dhe dashuria e tij për njerëzit, na shpëtoi jo me anë të veprave të drejta, që ne bëjmë, por sipas mëshirës së tij, me anë të larjes së rilindjes dhe të ripërtëritjes së Frymës së Shenjtë. (Titit 3:4-5)

10. Porta—Kristiani gjeti shtegun për në derën e ngushtë, e pasi futet aty, nuk ka më kthim prapa.

Unë jam dera; nëse dikush hyn nëpërmjet meje, do të shpëtohet dhe do të hyjë dhe

do të dalë dhe do të gjejë kullotë. (Gjoni 10:9).

11. Zgjidhësja—Kjo mikeshë e re i tregon se do të shfaqen dy shtigje para tij, njëri con në jetë, tjetri në mjerim

...por Ngushëlluesi, Fryma e Shenjtë, që Ati do ta dërgojë në emrin tim, ai do t'ju mësojë çdo gjë dhe do t'ju kujtojë të gjitha këto që ju thashë. (Gjoni 14:26).

12. Muri i shpëtimit (shtigjet)—Kristiani zgjedh të shkojë në shtegun e ngushtë, i cili është më i vështirë, por, ndërsa ngjitet, barra e tij lirohet dhe bie.

Dhe në asnjë tjetër nuk ka shpëtim, sepse nuk ka asnjë emër tjetër nën qiell, që u është dhënë njerëzve, me anë të të cilit duhet të shpëtohemi. (Veprat 4:12).

Jezusi i tha: «Unë jam udha, e vërteta dhe jeta; askush nuk vjen tek Ati përveçse nëpërmjet meje...». (Gjoni 14:6).

Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetën e përjetshme. Sepse Perëndia nuk e dërgoi Birin e vet në botë që ta gjykojë botën, por që bota të shpëtohet me anë të tij. Ai që beson në të, nuk gjykohet, por ai që nuk beson, tashmë është gjykuar sepse nuk ka besuar në emrin e Birit të vetëmlindur të Perëndisë. (Gjoni 3:16-18).

13. Lajmëtarët e Mbretit—Lajmëtarët i tregojnë Kristianit se Mbreti e ka cliruar dhe i ka dhënë jetë të re, një veshje të re mbretërore.

Prandaj nëse dikush është në Krishtin, është një krijesë e re; të vjetrat shkuan; ja, të gjitha u bënë të reja. (2 e Korintasve 5:17).

14. Luanët—Një sfidë e papritur e tremb shumë Udhëtarin tonë.

Jini të kthjellët, vigjiloni; sepse kundërshtari juaj, djalli, sillet rreth e qark si një luan vrumbullues, duke kërkuar cilin mund të përpijë. (1 e Pjetrit 5:8).

15. Pallati Bukurosh (Vigjilenti dhe vajzat)—Një vend ku Kristiani freskohet e merr forca të reja për të vazhduar udhëtimin, ku dhe vesh armatimin e rëndë.

Së fundi, vëllezërit e mi, fuqizohuni në Zotin dhe në forcën e pushtetit të tij. Vishni gjithë armatimin e Perëndisë që të mund të qëndroni kundër dredhive të djallit.(Efesianëve 6:10-11).

16. Lugina e Hijes së Vdekjes (Lugina e Përuljes)—Kristiani takon Princin, me të cilin ka një dyluftim të jashtëzakonshëm.

Zoti është bariu im, asgjë nuk do të më mungojë. Ai më çon në kullota me bar të njomë, më prin tek ujërat e qeta. Ai ma përtërin shpirtin, më prin nëpër shtigjet e drejtësisë, për hir të emrit të tij. Edhe sikur të ecja në luginën e hijes së vdekjes, nuk do të kisha frikë nga asnjë e keqe, sepse ti je me mua; shkopi yt dhe thupra jote janë ato që më japin zemër. Ti shtron para meje tryezën në prani të armiqve të mi; ti vajos kokën time me vaj; kupa ime po derdhet. Me siguri pasuri dhe mirësi do të më shoqërojnë në gjithë ditët e jetës sime; dhe unë do të banoj në shtëpinë e Zotit ditë të gjata. (Psalmi 23).

17. Kristiani takon bestarin dhe ungjilltarin—Tashmë Kristiani nuk është vetëm në udhëtimin e tij, ai dhe Bestari takojnë Ungjilltarin, i cili i përgatit për një vend magjepsës, por shumë të rrezikshëm.

18. Panairi i kotësisë—Një vend ku njerëzit vrapojnë vazhdimisht pas

lojërave dhe gjërave të kota. Një vend ku Bestarit i duhet të paguajë një cmim të lartë

Unë i kam parë tërë gjërat që bëhen nën diell; dhe ja, të gjitha janë gjëra të kota dhe një kërkim për të kapur erën. (Predikuesi 1:14).

19. Kristiani dhe Shpresëmiri kapen nga gjigandi i dëshpërimit—Një vend ku asnjëri prej nesh nuk do të donte të ishte.

Më ndihmo sipas fjalës sate, që unë të jetoj, dhe të mos lejoj të ketë hutim në shpresën time. (Psalmi 119:116).

Por në fatkeqësitë e tyre ata i thirrën Zotit dhe ai i çliroi nga ankthet e tyre; (Psalmi 107:6).

Dhe Perëndia i shpresës le t'ju mbushë me çfarëdo gëzimi dhe paqe në besim, që të keni mbushulli në shpresë, me anë të fuqisë së Frymës së Shenjtë! (Romakëve 15:13).

20. Malet e kënaqësisë së mbretit—Një parashijim i asaj që do të vijë.

Unë jam bariu i mirë, dhe i njoh të miat dhe njihem nga të miat, ashtu siç më njeh Ati mua dhe unë e njoh Atin dhe jetën time e jap për delet. (Gjoni 10 :14-16).

21. Qyteti qiellor

Dhe dëgjova një zë të madh prej qiellit, që thoshte: «Ja tabernakulli i Perëndisë me njerëzit! Dhe ai do të banojë me ta; edhe ata do të jenë populli i tij dhe vetë Perëndia do të jetë bashkë me ta, Perëndi i tyre. Dhe Perëndia do të fshijë çdo lot nga sytë e tyre; dhe vdekja nuk do të jetë më; as brengë, as britmë, as dhimbje nuk do të jetë më, sepse të parat shkuan». Dhe ai që ishte ulur mbi fron tha: «Ja, unë e bëj gjithçka të re». Dhe më tha: «Shkruaj, sepse këto fjalë janë të vërteta dhe të besuara». (Zbulesa 21:3-5).